

偶

齋

詩

草

偶齋詩草內次集卷七

飯眠集乙酉

宗室寶廷竹坡著

元日

開歲一杯酒居然卅六人有家累良友無福作名臣  
海嶠尙爭戰京華甘賤貧今朝聊痛醉時序又從新

元日未旦與善汝明壽富飲酒醉後偶成

偶齋今年真吉利元日未旦已大醉債主已散客尙留  
縱飲懽呼何顧忌去年宿酒猶未醒今年新酒重解醒  
兩年酒氣併一腹酒腸狹窄應相爭

汝明昨夕來同守  
歲同飲余已大醉

汝明年少耽詩酒大兒詩才亦小有莫笑老夫太頹唐  
一十年前亦黑首傳聞正朔華夷異我甫中冬彼新歲  
世閒萬事生人心新舊在天本無意慨彼飛潛亦天生  
歲月推遷豈知記乘化待盡等如斯盛衰感觸何多事  
風翻爆竹天有聲彷彿海上飛礮鳴我輩窮居猶飲宴  
倖生敢自嗟虛生君不見雞籠山下劉將軍令節枕戈  
殫苦辛又不見馬尾江頭張學士屠蘇飲醉臥待罪此  
時應羨我與子醉飽安閒忘譽毀今朝有酒須飲空一  
年憂樂從此始

集詩牌

豈是離騷怨閒居今兩年臣心自留戀明月冷青天

集詩牌詠閨怨

向月自怨歎三年常此心紅顏一再誤清淚溼香衾

春寒同公玉集詩牌

花當早寒開轉遲何時舊柳看新絲風狂雪大無人惜

冷煖天心獨自知

春日書懷同公玉集詩牌

臺島多軍戍凱還胡太遲中華有大將外寇自難窺敵

遠和當易年深功更奇春寒斷新鴈對酒人愁思

怨情同公玉集詩牌

愁淚碧帷溼空懷江水涯疏狂誤紅粉却悔入星槎

寒食與公玉集詩牌

綿山焚介子爲鬼還熱中歌龍非怨君文當憶舊功清  
明隔來朝禁斷煙火空艱難感前人自對寒燈紅

清明

清明已到草生纔春色遷延無計催寄語騷人休悵望  
好花早晚總全開

春日卽事與公玉汝明偉人集詩牌

止戈難得坐談閒  
望氣天涯愁思刪  
虎旅先歸當自惜  
勤功無地歎空還

廣化寺題壁懷張幼樵

豈是不相關  
憂深暫自刪  
風濤猶大海  
花草又春山  
壯志翻成誤  
窮途轉得閒  
懷人兼感事  
對酒強開顏

看花偶成

幾年辛苦費栽培  
一陣狂風盡作埃  
最是時花太情薄  
前枝方落後枝開

與志伯時集詩牌送春

東君恩已斷孤負好韶光  
蜂蝶緣同盡鶯花債已償  
去來纔九十離合亦尋常  
尙記初迎日迴思默自傷

輓鮑花潭夫子

諱源深成化長讀卷大臣

掩面望師門朝昏空淚痕  
深慚辜特識豈爲感私恩  
知遇已難報文章何足論  
無聊姑自慰猶幸此身存

伏日大雨芷亭道士招飲淨業湖酒樓觀荷醉後

偶成

瓊島空濛不可攀

樓正望瓊島

偷閒同醉酒樓閒  
故人健在

花重放烽火新收鬢更斑幾點煙迷湖外樹一痕塔認  
雨中山明朝莫管瓶無米好景難拋忍遠還

送于次堂

陰霖

之廣東按察使任兼寄懷張香濤

遠宦休辭粵海濱嶺南節度昔同寅德星再聚真忻幸  
舊雨重離倍苦辛未老休官辜盛世無田歸隱負閒  
身莫嗟知己難常見屈指天涯剩幾人

予任少詹時次  
堂贊善香濤中

中秋與公玉伯從少甫子嘉稚甫壽富富壽飲酒

分韻



仙苑... 卷十  
四  
老去覓樂急得酒愈狂放童稚共遊戲歡笑不相讓中  
秋值佳節待月傾家釀故人幸就飲老幼互酬唱是夕  
月有暈浮雲薄如障明輝胡若此低首不忍望憶昔曾  
仰止光耀猶想像祇恐照臨多舊事月已忘明知月如  
故高鑑仍天上下土仰視難把酒徒惆悵

重陽前夜作

物候臨搖落秋涼劇寂寥寒花辜雨濶敗葉待風凋病  
酒嗟身弱懷人歎路遙重陽驚已近遊覽倩誰招

中秋偶成

歲莫過中秋人莫過中年中年轉眼老將至中秋轉眼  
歲欲闌中年人對中秋月人未龍鍾月未缺今生再過  
幾中秋月照鬚眉白如雪迴首中秋年少時爭瓜奪餅  
恣遊嬉今宵把酒分肴核坐看幼女攜雛兒

寄沈稼村 百塘時客閩制軍幕

瘴雲隔斷鴈難傳迴首榕城思黯然尙喜遠離無萬里  
忽驚舊事已三年京華葉落風生樹幕府霜寒月滿天  
敢怨良儔多契濶海濱何幸撤烽煙

九月廿九日與芷亭子嘉公玉伯從壽富淨業湖

樓小飲

返照入湖水殘霞明上樓故人猶剩幾相見莫言愁有  
酒且同醉明朝又送秋

十月朔  
立冬

杯盤任狼藉燈下屢勾

留

冬日襟詩

少年常惜春老來常惜秋西風一朝改瞥眼歲又周青  
陽雖逝水朱明景物稠悲哉此晏序品彙同歸休怕看  
雪花飛羔酒強宴遊傍觀羨行樂假樂姑寫憂無聊餘  
極思不朽虛名留

少時重朋友一見稱知己豈惟我心癡彼心亦如此貧  
交得友難偶得倍可喜雖然因客氣用情尙無傷年長  
入宦途閱歷習漸改交廣心自分酬酢盡虛禮匪但新  
交然故交亦爾爾交增友轉減同心猶有幾呼兒覆掌  
杯勿笑乃翁狀

於世已無用於人仍有求餘此可憐身苟活亦可羞兒  
女行長成事事勞營謀婚嫁縱能完五嶽爭必遊何況  
累正多餘年堪了不幼兒方學語阿翁已白頭

少年喜歌舞朝夕恣遊戲京華名優多聲容盡拔萃悠悠廿餘

年迴首事一異興來時一觀梨園亦陵替陽春罕再聞  
淫哇詡鄭衛技擊增新奇差此強人意消乏嗟人材盛  
軌遠難繼

初冬擬劍南體

閒居多病壯心降朝夕消磨藉酒缸菊爲避風移入室  
人因就日坐依窓興來索句常忘韻醉後酣歌不擇腔  
晝短天寒無客到午眠每至暮鐘撞

夢幼樵用少陵夢太白韻

窮途况別離生死同悽惻睽隔無千里半歲絕消息自

哀已不暇何心互相憶幸逢寬大朝無憂禍不測西  
風吹秋雪寒雲壓檐黑深宵忽見君羈魂生羽翼關塞  
足風沙未改舊顏色開眸頻歎息欲續恨難得

關山道險危勞君昏夜至人間多束縛夢中喜如意良  
朋傷契濶入夢亦不易魂輕邊風勁半途虛吹墮思君  
令人怯不敢存大志閉門願常閑飢寒甘憔悴當年快  
心舉今日皆爲累莫矜此身閒閒身尙多事

盆菊得可字

菊花如達人隨遇無不可在徑非荒蕪在盆豈猥瑣傲

骨存一枝澹容表數朶托庇密室中嚴冬猶婀娜幸免  
瘁風霜敢辭困煙火差勝插膽瓶摧折先受禍但恐觸  
狸奴半開花已妥勿惹侍兒憐偷簪鬢斜髻小就姑自  
安晚節慎毋墮淵明作縣令何怨命因以

送善汝明之鳳臺

北風落葉滿燕臺送客蕭齋共舉杯遠別難禁離緒繞  
遶行自喜壯懷開塗山玉帛欽王化肥水干戈憶將材  
幸值時平足遊覽不須弔古枉興哀

馳驅南北任遊遨馬足車塵不憚勞

汝明甫自宣  
化歸僅半月三衛

關津明代重八公草木晉時高須求有用方人杰莫爲  
閒情漫自豪下蔡陽城君若過望將迷或覺伊曹

仲冬朔偶齋置酒招同公玉心竹偉人少甫伯從  
并大兒二兒餞汝明南之鳳陽分得千字韻

送別壽春去離筵集衆賢壯遊窮跋涉古蹟富流傳樓  
俯清淮水城迷下蔡煙虞騅磨項羽草木敗苻堅歷覽  
雖稱快奔馳孰共憐窮愁人廿八險遠路三千酒色銷  
豪傑科名誤少年相看君落拓敢怨我迤邐死後願無  
鬼生前幸有天居行同一轍對酒意纏綿



高粱橋茶樓望雪懷夏滌菴

大雪滿地雲滿天天地一色渾相連憑高西望不知極  
皓然潔白無山川遠村幾點聚寒樹玉枰剝子堆斑斑  
白晝恍惚見月色微陽黯淡雲中圓寒光逼人目難縱  
迴風捲雪旋成煙忽憶前歲富春渚雪中訪友曾艤船  
大江頃刻變黑水一晝濃墨橫素牋北上五里入深谷  
白雪綠竹同滿山空庭對酌不知冷醉後送我良贈言  
道此時艱勉報稱不須爲詩嘔肺肝良規在耳尙如昨  
閒身彈指三踰年休名不立老將至詩酒結習膠難蠲

懷人感舊兩振觸清景可樂翻悄然安得操舟再訪戴  
側身南望途三千興盡而返下樓去風適雪大增暮寒  
臘月八日大兒娶婦偶成十六韻寄賀婦翁聯仙

齋元同年

仕宦幾知己乾坤一廢臣世皆含怨毒君獨重婚姻官  
味蕪湖水仙齋現爲  
太平知府窮愁燕市塵跡殊徵志合交舊忘

親新昔歲同金榜頻年侍 玉宸左遷偕蹭蹬中允并

沈淪仙齋與余同充  
講官光緒元年大考同降中允出守方臨皖衡材亦使

闕荒區成樂土驛路入迷津近老嗟多病休官喜速貧

草枯拚燒火木朽不知春有罪羞行樂無聊學養真功  
名宰 盛世詩酒誤閒身舊事悲皆夢前緣悟有因唐  
花妍永夕臘鼓脆佳辰報 國看良友持家待後人持  
懷書俚句寄賀楚江濱

送李菊圃

用清

之陝西布政使任兼示文叔平

治

奇哉菊圃公與我性情異公儉我奢靡公謹我放肆而  
乃愛我深不忍遂我棄在京僅半年蓬門竟兩至談深  
不肯去樸直見真意告我將遠別秦藩行往蒞任重兼  
事繁貽誤深所畏囑我時致書直言匡不逮感公意良

厚既感且生愧自笑少不學好直徒任氣放誕復乖張  
凡事多任意休官三四年悔過門常閉深恩愧 朝廷  
家學愧前世資助愧友朋表率愧子弟方謂自韜晦庶  
可免嫉忌豈料守窮困仍難逃謗誹自匡猶未能安敢  
干人事恐公聽我言更復招非議公秉長厚資學問更  
刻厲況有同道朋切磋相磨礪自可作名臣上以佐  
聖代願公善用長所短亦毋諱執拗固不當遷就亦非  
義凡事急所先凡事爲其大經權苟克審是非自不昧  
雍州本沃土兵荒歎凋敝吏疲課宜嚴民貧吏堪愛藩

司雖司財布政果何謂斤斤但理財母乃非大吏西風  
捲空來積雨忽開霽雲散青天高野曠白日大途公西  
行遠路難愁阻滯積潦連晉燕山川緩征轡閒身富疾  
病二毛歎憔悴久閒無所作疎嬾日頽廢

相思草

海天幻出多情種草心也似人心重魂魄隨風入夢來  
恨苗一夜生孤塚相思有草出朝鮮呂宋分根遍大千  
花比豆紅誇蓋露根如玉紫歎成煙美人櫻口供茹吐  
一縷柔絲化香霧熱心到底總成灰弱質何時爲大樹

阿芙蓉遠出西方流毒寰瀛聲價昂可憐小草無知物  
亦復東西判弱強前王情重爲賢妃作偏流傳舊事非  
止悲且莫誇佳種東望持筒別有思

仲冬二日夕醉歸途中口占

冬暖夜不寒歸來酒半醉秉燭行頗疾熱汗沾肩背沈  
陰暗夜色漫漫逗雪意衆星如避人深藏凍雲內時序  
倏彈指匆匆近冬至迴頭憶去冬恍惚昨無異有事歲  
月遲無事歲月快百歲餘幾何況難希百歲閒身強尋  
樂無事作有事了此未盡身魂魄還天地

賀聯仙萑生孫女

我方望生孫君又得孫女萑蕪本仙草孫枝易出土瘦  
竹得筍難久歷風霜苦家貧取婦遲無官愧爲父道遙  
無物贈賀君寄韻語愛民如愛孫代祝老公祖

冬至小樂府

日添線

日添線陽生驗陰陽消長機宮人指頭見人間弱線長  
無幾天上烏輪幾萬里羲御含愁望舒喜勞逸分途今

日始

獻履鞮

獻履鞮祝長壽新婦無姑惟獻舅新婦漫誇針黹巧新婦一回獻阿舅一年老呼兒斟酒賀佳節未知翁餘生猶著幾履鞮

霜樹集

乙酉

靈光寺題壁

秋山搖落時霜葉似花媚名士近老年時作少年事所嗟絢爛中已含衰颯氣一朝西風來錦繡皆委地佳色能幾時珍惜聽天意



香界寺題壁

闌折窗摧滿徑埃風吹黃葉覆蒼苔避炎聞有遊人住  
不信曾經翠輦來

寶珠洞題壁

我心不知有何憂放眼天涯淚欲落海雲隔斷天東南  
昏煙一片迷城郭人生行樂能幾時少壯彈指已老弱  
不見滿山霜葉赤如血西風一夜填溝壑

癡聾集

丙戌

人日見月有感

人日見新月一鈎在樹裏去年七夕時新月亦如此迴  
思已半年怱怱猶彈指今年再七夕爲時亦無幾爲語  
少年人轉胸卽壯矣

人日示子美用高達夫寄杜拾遺詩韻

人日題詩寄草堂

子美門戲書子美草堂四字故用此戲之

近憐故人同故

鄉閒曹廢宦兩無事新年酒肉填詩腸閉門世事難干  
預乘化待盡何憂慮試思去年人日時爭知今年仍此  
處醉臥京華倏四春銷兵幸喜海無塵莫矜未見龍鍾  
態詩酒迴頭牘幾人

試燈日同公玉酒家小酌醉後踏燈

滿天明月滿街燈散步通達感不勝佳節又添新酒債  
同遊猶是舊詩朋人閒且自尋歡笑海外何堪問廢興  
幸喜窮途皆未死浮生禍福本無憑

初度

生日不宴會古人心弗忍老近聊復爾求樂藉自遣故  
交二三來相對杯強引無聊挈童稚梨園聽絃管歸來  
再開樽客少筵易散醉起仰天立雲重明月隱銀潢春  
水生冰輪轉須穩

正月既望望月不見

憶昨試燈日明月何光輝而今雲霧生仰視圓影微古  
稱月有恒胡爲亦若茲望舒豈行倦韜晦思息機下界  
燈火盛增輝耀九遠盛衰本無定得意在應時

得朱竹石

之榛

書寄懷代柬

江南飛雁到幽燕喜極開緘轉黯然空口敢論天下事  
閉居愧受故人錢側身四海悲前代放眼千秋悔壯年  
兩地有心同一歎豈惟別恨共纏綿

憶天平山寄懷朱竹石

壬午冬

使閩歸竹石約遊

山靈有傲骨是石皆直立罡風吹不倒翠瘠難成疊天  
平憶舊遊隆冬共登躡三載倏如夢迴首萬感集遺蹤  
緬范公高懷人罕及青衿未遇時志已彌六合閒居志  
氣墮疎放漸慣習近郊多好山時時費遊屨安得同懷  
客雲梯并拾級知君應羨我散漫無維繫

芷亭來戲與少甫伯從大兒二兒各擬一題團紙  
拈之得春陰時正月下旬也

萬彙盼青陽宇宙生機豈如何和煦時見此慘澹象本  
無爲霖心猶作釀雪狀新陽轉東陸昭昭空在上嗟哉

下土人隔絕不可望

黃鐵塘

垂昆

知余貧前歲託人寄洋金今春甫至

鐵塘已於前冬死矣不能無情哭之以詩

餽贈原常事窮途見至情書來君已死官罷我猶生離

亂三年感艱難一第名寄詩聊代哭南望淚重傾

鏡塘中王

午間榜年已過六旬矣

子美遷員外郎賀之以詩

憶昔歲甲子我始舉於鄉是冬君納粟發軔登宦場年  
華速如水倏忽廿八霜相看共白首君始爲副郎富貴

難如此觀君已可傷

喜五兄卽到率成短篇用少陵喜觀卽到韻

遠宦踰千里遙離過五春  
兄方歸故里我久作閒人  
毛髮看應變家門見乍新  
所忻有賢嫂不肯傲蘇秦

詠簾限爐字韻 三月廿五日

依稀舊夢記模糊廿載今朝喜唱臚  
高捲御簾煙正滿南風吹影散金爐

林篴雲下第南歸因親老欲捐縣令臨行投詩四

首留別依韻和之

無官難報 國有幸作貲郎吏事果能習名心何必忘

浮生原忽忽宦海更茫茫男子四方志誰堪老故鄉

贈別無多語吟詩抒別情娛親非獨養作吏必先清我  
似休巢鷺君如出谷鷺龍鍾側老耳萬里聽循聲

三載歸京國窮居此閉門有田羨彭澤無用類深源累  
重慚良友時艱愧 至尊臨歧望東海師旅尙雲屯

庭院綠陰滿新蛸忽有聲行人歸故里樽酒動離情官  
罷羞行樂途窮轉畏名憐君甘小就捧檄豈希榮

縈雲復疊前留別韻亦疊以答之



窮途氣餒畏譏彈萬事都因易後難  
病馬那堪重要駕破舟幸免再行灘  
雨多草死終成腐日遠葵心忍遂寒  
不是騷人孰比興吟成恐有外人看

桃李休誇種滿門文衡再秉負  
殊恩自慚望重非安石却喜詩名類  
巨源老近歡娛常感慨貧居京國似鄉  
村一家衣食猶難備莫說旋乾與轉坤

和肇雲韻

相逢一笑且傾杯酒債年深久築臺  
有病何堪論時事無聊且共鬪詩才  
離雲龍莫爲霖雨失水魚甘困土埃

過去回頭已多愧，不須妄想說將來。

送陳守淑之麗江令任

滇南說荒遠，今日更巖壘。地美財應富，山多民必強。越裳猶有國，緬甸已無王。祖帳頻翹首，傷離懶盡觴。

送沈稼村航海歸福州用其場中題壁韻

一帆南下溯薰風，大海波留戰血紅。下第喜君心尚壯，送行笑我句難工。萬重山忽遺舟後，四面天都垂水中。奇景遙知詩更好，高吟聲可澈龍宮。

笙歌歇浦關南風，午夜燈燒電影紅。買笑金多誇已富，

籌邊策少問誰工九州財盡孤城外萬國船爭一海中  
聞說大秦富強甚規模何怪勝龍宮

居然萬里破長風酒入衰顏喜暫紅不朽名難嗟老易  
謀生術拙詔詩工褒誅須待千秋後窮達同歸百歲中  
且莫夢魂傷落拓顯榮原在大槐宮

和林斃雲韻

不殺愚仁學子羔紅裙縱酒興偏豪無田歸隱慚陶令  
有罪休官愧楚騷莖枉心癡愁日遠杞徒憂重奈天高  
迴頭往事彌增感白髮垂垂不忍搔

別緒纏綿比亂絲窮途苟活不知危漏卮酒好難常飲  
利劍鋒尖忘倒持夢裏尙存行樂地死前安有解憂時

下闕

### 長至小樂府

祭始影星影小軟語星前頻祝禱不祝星祐顏色好祝  
星祐妾長不老縱教顏色總如前寵眷深憂久難保

戴長命願人命如菜命長羅衣紈綺誰兒郎摘菜戴首  
垂髻旁東家老翁亦摘菜摘菜滿手不肯戴一半充晚  
餐一半明朝入城賣

祭田婆祭田婆願婆聽我歌不願婆佑收糧多願婆早

佑易縣官嚴束里正寬催科收糧雖多糶糧少納糧不足縣官惱年豐糧足民不飽

同白石宿芷亭觀中偶成

酒醉喜不眠挑燈話老屋今夕同故人來就故人宿憶昔我與君詩酒相徵逐我少君正壯豪邁越流俗君今忽白首人生老何速及今俱未死騷壇幸重續

癸亥甲子閒與

芷白諸君結探驪吟社同人廿餘今年復結消夏詩社故人存者不過數人矣

連牀夜說詩居然成鼎足莫視事尋常難得卽爲福

憶我未第時時來宿君齋入官王事迫歲時來漸稀今

年已及半今日乃一來閒身何所羈疏懶徵早衰酒酣  
臥竹榻相對如曩時談笑夜未中底事倦不支

空庭樹蔭滿久坐忘陰晴輕風動疏枝時見數點星坐倦不欲  
眠相將下堦行露氣溼庭草夜涼花香生仰首望河漢  
樓鐘忽有聲

夜闌就榻眠倦極不能寐無聊欲吟詩心偏憶舊事人  
生無百年新舊又何異有情卽不達此心爲身累時光  
不待人鴉聲噪窗外

靈光寺夜起偶懷幼樵

殘月上東嶺秋蟲聲滿山  
天河低欲落斜挂兩峯間  
此地昔同宿伊人久未還  
閒身且行樂外事漫相關

己卯仲秋

既望與幼樵同宿嶺秀山房彈指已七年矣

仙齋寄七言排律代東依韻答之

能吏賢勞廢宦閒  
尋詩不憚屢登山  
同聲遠隔孰相和  
卽景留題多未刪  
一紙新詞吟代東  
八义妙句誦連環  
清名久播歡盈耳  
德政遙聞喜溢顏  
告我郡城饒勝概  
爲拘官守罕躋攀  
北望采石磯  
千疊南指天門江  
半灣自笑好遊甘  
放蕩深欽奉職慄  
防閑幾時把臂層樓上

縱眺雲濤煙浪閒

前意未盡再和一首

天愛騷人許久閒  
看花飲酒更遊山  
家貧風月心仍在  
老近功名念盡刪  
奴爲學書忘酒掃

奴子崔永每夜燈下學書

妾因

買菊典釵環  
有時沈醉得奇句  
終日空囊無戚顏  
且喜遠郊多洞壑  
常偕勝侶快登攀  
振衣廣化寺前嶺  
濯足

桑乾河水灣

桑乾西嶺後廣化寺春多花秋多霜葉歲兩遊之

已恨盛名難副

實復慚小德  
每踰閑與君  
仕隱分途占  
莫使虛生宇宙

閒



延平行送孫小廉

與壽

之南平令任

延平郡當七閩衝，切江爲濠山爲墉。峻嶺四周城當中，  
城垣如帶中起峯。西北高嶺摩蒼穹，三千六百懸崇隆。  
郡城西北山最高，且險不知名。俗呼三千六百坎，自浦城至此無峻於此山者。山開地展江水通，灘阻黯澹濤聲洪。黯澹灘閩水至旋城曲折流抱弓。

合流城角南轉東，匯爲劍津同朝宗。

城東南

晉州從事

腰雌龍一躍入水求其雄，神物離暫當合終。千秋潛伏

鎮珠宮，送君南去臨花封。爲我弔古尋奇蹤，年來閩海多狼烽。利器有用時適逢，願龍出建不世功。順流東下

乘長風復形爲劍長如虹先掃馬尾後鷄籠一揮萬里  
海水紅胡爲深匿深潭中淤泥濁浪埋芙蓉豈其運數  
當阨窮但恐藏久銷神鋒把酒餞君憂滿胸南風催雨  
愁雲濃海濤激舟煙立空翹首遠望心忡忡南劍山水  
深且崇昔年信宿行匆匆旅館留題詩未工至今久應  
塵埃蒙幸值清晏無兵戎危思居安置圖豐四海一邑  
大小同行矣勉旃毋自慵

寄閩中諸友代柬

閩省城下大水  
水退復屢大火

天吳熒惑爭一城白波赤焰相飛騰越王登臺魂自弔

昨日苦溼今苦燥烽煙幸免灾祲多哀哉此方民奈何  
南中自古少秋雁懷人天末枉興歎閉門莫漫憂飢寒  
閒居深幸身苟安

酒荔歌寄謝香濤餽酒荔

馬嵬樹側魂不歸化爲尤物生峨眉華清舊俗衣解緋  
奇香不散沾凝脂溫泉水氣滋玉肌骨瘦那復嫌肉肥  
楓亭秀色分江妃甘酸異趣爭楊梅兩美不合睽東西  
壓枝天子名荔供朶頤南海異產誇梁姬一顆到手珠百  
琲木棉鮮豔裁作衣雪蘭膚色塵不緇美人佳果品格

齊異地安可評高卑三日不見香色非庶士好述迨今  
兮從來絕色難久持願君早採休過時

霧看集 丙戌

經慈壽寺

梵宇摧殘那足論明家苑囿幾何存斷碑重讀增悲感  
底事前車不鑒元

餘慨未盡又成一首

世事興衰慘莫論瑞蓮賦好石空存古今變故隨時異  
莫歎前朝不鑒元

擬古

北方有孤竹分根自崑崙雖非中律材勁節頗凌雲舊  
筍漸長成玉立蠹兩竿新芽忽側生礙道園丁瞋主人  
憎錯襟一怒施除刪大竹已摧折棄置幸苟完小竹依  
舊在轉眴又生孫雨露天無私成材原匪難靈根苟弗  
絕凋朽復何歎

號寒蟲

有鳥有鳥生彼朔方毛羽夏豐人擬鳳凰一旦毛羽凋  
哀號寒且僵一解朝陽欲出天增寒大星高照煙霧漫

向月空長號天高月不聞二解逢人休哀號時人不見

舊羽毛同林舊侶皆有巢栖梁巢木鳴聲嬌慎勿使見

徒相嘲三解悲鳴無儔歎誰和忍寒得過聊且過死亡

幸免拚長餓不見南海翡翠巢珠林文采自炫耀羅網

忽見尋四解

偶齋詩草內次集卷八

題葉集

丙戌

宗室寶廷竹坡著

廣化寺題壁懷善汝明

紅樹滿秋山僧居紅樹閒林深霜早到地僻戶常關勝境我頻至舊遊人未還浮生曾有幾何事不能閒

抱孫集

丁亥

子美以新年詩見示依韻和之

良辰小酌列杯盤雪釀遙空雲霧漫兒喜抱孫添後嗣客來祝我復前官無情始有生人樂未死猶期歲月寬

莫說陽春行已至東風那邊解嚴寒

余醉後每以言語觸人致怨又章屢戒未改去歲  
一歲避而不見今歲元旦惠然復來喜而有作  
以識余過且表良友深情

乍聞警欬喜兼驚啟戶難禁倒屣迎人到真窮思故友  
交因暫絕見深情殘生事已無堪作未死心猶有不平  
所惜餘年能幾許竟教經歲斷詩盟

初度醉後偶書

人生行樂耳古人誠妄言乃知一日樂亦復中有天我



生好行樂凡事強求歡動輒反得苦因之生惱煩迴頭  
思往事對酒空長歎身名致俱誤蹉跎追悔難所幸老  
已近憂樂無幾年從今甘不樂坐待歸重泉

輓丁稚璜

寶楨

憶昔癸酉冬使車西浙歸途經羊流店

羊叔子故里

邂逅瞻

容輝豈知初見地卽爲永訣時十年如夢寐轉首空含  
悲公生盛功德遺蹤古賢追新恩被巴蜀舊澤留青齊  
靈輶返濟南吏民同一哀遙知鵲華上墮淚應有碑閒  
身愧苟活深負長者期已矣何所云痛哭聊寄詩

窮途

窮途歎運蹇百憂方寸積憂重染心神無事若有事身  
閒心轉忙安居儼危地不病常思臥有夢多成怪人生  
無百年況已至中歲死亡原意中餘事何足計無聊仍  
飲酒不死且求醉

留別故居

七年避巷久栖遲幸許鷓鴣借一枝回首蕭齋爲底事  
半脩諫草半吟詩

歎息當年宰相家荒年牆壁任欹斜居停已似無栖燕

飄泊尋巢亦可嗟

甘井故居原穆鶴舫相國宅後人因貧售於某匠余借居東院已七年矣

### 清明偶書

暮春彈指又清明  
新舊墳頭盡哭聲  
我欲吟詩還闕筆  
老來多病學無情

### 人日分詠閩中先哲得彭古愚先生

古愚勁節驅今古  
二百年來諫疏存  
學似文貞猶被劾  
忠如華楚合同論

郭琇字

聖朝自惜多寬政  
臣下何難

盡直言更喜平生無大過  
獨能至死荷殊恩

### 憶舊遊十四韻贈黃再同

舊遊憶昔翠微寺夜半酒狂登嶺巔長嘯一聲亂山應  
冷雲四起隨風旋天空星影低垂地埜曠月光昏似煙  
佳景迴頭猶昨日懽棕彈指幾經年春歸幽谷號孤鳥  
秋盡寒宮散衆仙持節蓋臣羈粵嶠荷戈戍客困關邊

榕城路遠書多阻蓬島波深秣不遷

仲秋既望同張香  
濤張幼樵陳伯潛

再同諸君遊翠微山宿靈光寺半夜與再同登寶珠  
洞看月今南北遠隔皆久不見再同在京仍未開坊窮

達異途皆可哭盛衰同病枉相憐

再同病鼻血久不  
止予近亦多病罷

官有罪羞歸隱報 國無才愧苟全生計難籌憑友助

家聲已墜恃兒傳

大兒壽富  
受業再同

冤殊精衛思填海忠匪靈

均敢問天幸值太平息烽燧且乘閒暇遞吟牋望衡怡  
喜居良邇濟勝何愁具邈前待到木樨花放後寶珠重  
看玉輪圓

謝黃再同餽蜜荔枝

并序

再同餽蜜荔枝札云坡詩有蜜漬荔枝未知當日  
曾與朝雲噉否茲呈一瓶想今之坡公必與今之  
朝雲同噉也考東坡兩和人蜜荔枝詩皆在將謫  
南海前朝雲詩引云余家有數妾數年閒相繼辭  
去和詩時或尙未去卽去亦未必盡詎獨與雲噉

也再同夙喜考據此恐尙未確也余亦有數妾罷  
官今五年矣尙無一去者頗足傲坡公御娘子軍  
亦當分甘絕苦過於歧視衆怒難犯恐有譁潰之  
虞爰開而遍噉之以示無私而廣良友之惠亦世  
法平等之義也於是皆大歡喜促余作詩以謝

半齋遺我蜜荔枝屬我上和坡公詩道是朝雲應共噉  
嘗鮮我合分小姬珍物拜受不勝喜謹遵雅命何敢違  
開瓶光色動琥珀鼻觀臭觸饒涎垂紅霞擘破白月出  
一丸的鑠明玻璃百花香浸甘露凝味外得味增芳菲

玉肌半瘦不露骨香澤清潤光凝脂佳人佳果本相似

傾城色好何須肥

蜜荔雖不能如生者肉滿而色仍白嫩可愛

朝雲誦偈病

且死雪膚清減存舊姿坡公謫宦妾星散惟留碩果常

相隨自詡罷職已五載四兮聚處無分離

余四妾以倩兮助兮峭兮

皎兮分字之

今年端陽更貧困湯幸續命蓋亦危債臺過峻

米難乞太倉日糴聊救飢楊枝戀主終亦去行將開閣

靡才遺林空春盡暮雨止豈如朝雲停不飛

再同所謂朝雲者謂

江上所納也恰亦自杭攜來且與朝雲同姓原字雨林與雲字亦相對亦頗奇也

及今粉黛尙

列屋投醪均飲無參差他年若能宰天下願如此果公

不私蛾眉口蜜共含笑莫怪當日唐宮妃

題志白石持螯把酒泛月圖小照卽送別之慶遠

太守任

左手持螯右把酒船頭獨坐饒太守滿船蘆影動西風  
水心明月隨船走太守好酒兼好詩寫圖徵詩屬我題  
經年詩債尙未了忽驚秋盡行別離

自前歲出圖屬  
題久未報命

別

離此去九千里嶺南古多好山水山簪水帶險且奇可  
能平遠真如此去秋大通曾泛船喜君與我同身閒荒  
蘆兩岸月初上放船迎月宵忘還疎星數點不滿水明



月照白水底天嫦娥分身眩醉客杯中水上同一圓勝  
遊轉首已陳跡披圖恍惚猶目前一行作吏多束縛佳  
境縱有難遊觀欲將螯酒效琴鶴風流誰許希前賢宋趙  
清獻會窮愁君我本同病傲君一事惟無官拈毫惆悵  
官此默傷神太守空饒無那貧月落水深蘆葦暗收帆珍重  
畫中人

送志白石之粵西慶遠二首

聚首四五年西山歲同遊巖巒相追攀到處詩常留桂  
林山水好奇絕天下尤可惜獨遊難杖笠稀侶儔未知

今生世猶得同遊不故山題壁在重疊當唱酬

之官較奔喪哀樂固迥異奈何五馬榮行資竟難貸宦

遊尙如此孤子應更倍豈惟行者難居者亦非易神仙

難點金學道笑無謂人生良可哀有生同爲累

子美欲奔喪赴

西蜀彌月不能成行芷亭垂白爲人誦經求食

### 病中送綠菊與震甫兄并附以詩

秋菊有黃華珍貴傳古昔自經風霜侵面目遂改易三

閭形枯槁朱顏看成碧

此種本黃揚赤色

世人怪少見褒貶言

有嘖豈知根本同變化俗莫測綠華標奇姿黃華守正

色連枝隱籬下一樣甘寂歷爭春更無心耐冷同有力  
早衰病相憐晚節香自惜分甘贈東坡采杞聊伴食但  
願皆延齡年年好栽植

善汝明白鳳臺歸未至家順道先過余留飲偶成  
扣門塵土滿衣蒙悲喜交加一見中探袖匆忙出詩草  
開樽畧約說離衷重逢未死何言病遠客能歸莫怨窮  
畢竟少年勝衰老容顏仍與昔時同

北山集

西沙屯觀賽會作

南風飄蕩繡旗翻  
簫鼓聲中笑語喧  
觀者不須嫌鄙俗  
太平盛事見鄉村

經昌平作

孤城一片倚崇山  
二百年來要地閒  
太息前朝邊備易  
北方鎖鑰有雄關

再游詩草

丁亥

上愁兒嶺

嶺路崎嶇行步遲  
遊山最好是花時  
暫寬愁病聊尋樂  
杖履追隨尙有兒

題王方伯

德榜

丁家灘碑傍石上

血戰南交震島夷  
西山治水尙留碑  
風波經過仍依舊  
且莫將軍歎數奇

漸知非集

戊子

元日未旦偶成

守歲倦欲寐鄰鷄忽有聲  
殘夜尙未盡誰知齒已增  
家人賀新釐祝我登遐齡  
遐齡縱享百歲將半經反羨  
禽獸愚不識歲序更悠悠  
不解老飲啄全天形無知誇  
不朽有死談長生貪心幻妄想  
一致歸窈冥殘年餘幾

何天命差可憑詩成燈已燼曙色生疎櫺

春夜病中作

室昏無所見夜靜無所聞倦臥默不語嗒焉如死人  
差與死不同心有知覺存起坐然書燈一室形色分清鐘  
何處來忽然侵耳根

正月既望五更靈光寺偶成

是日余生日

四十九年此日之前我未生氣在天地無此形一朝墜  
地我始有瞥眼忽年四十九當日呱呱一小兒曾幾何  
時已老醜聰明智慧天賦之有身遂爲我所私矜才使

氣費盡此心血爭名好勝無已時少時有志爲名士任  
情自行不任禮入仕又思爲名臣招嫌歛怨叢一身半  
生徒勞成底事贏得宇宙爲閒人艱難險阻之境我少  
習爲常富貴利達之味我壯亦薄嘗至今迴首盡爾爾  
有時自喜還自傷世閒可樂無如閒一閒倏忽五六年  
閒福折人歲多病早衰未老雙鬢斑多病早衰倖不死  
縱教苟活能有幾芻豢養此無用身坐對鷄豚自覺恥  
卅九初度幸可過明年五十知如何無聊厚顏且行樂  
生日在山勝在家吁嗟乎世閒樂事無盡竭任人擇取

皆可悅地有好山天有月况復前宵得快雪是時甫過  
上元節煙火滿街照城闕繁華塵俗惱煞人爭及山中  
清且潔羣峯圍繞玉屏列桂魄燭空明不滅石泉琴筑  
鳴幽咽唄梵鐘魚聽清越上天下地無點塵雪月并作  
空山春富貴貧賤今夜盡行樂得知此樂有幾人况有  
良儔共唱和老酬少醉詩清新可惜兒女不能盡懽聚  
樂事難敘辜天倫

又章橋梓借入山大兒  
在家款客惟二兒從遊噫人生樂事

每不足求全責備後難續因時行樂斯爲福

龍泉菴和白石題壁韻



陰崖雪未盡隔樹如白雲山近日光少未晡已夕曛故  
人舊題在重讀悲離羣默坐對高松清境無埃氛

春日閒居

肺病懶解衣徹曉臥不安欲起無一事移枕旋復眠迷  
離夢未終鴉雀繞舍喧開眸看日影倏滿窓櫺閒起來  
飯已熟盥濯聊共餐忽憶曉來夢欲思心茫然人生若  
夢寐已過重尋難餘年知有幾疾苦休自歎

海棠種當階兩樹高齊屋新葉紅如花少長旋成綠閒  
居玩物華日日愜心目韶光逐漸增不知節候速庭院

何嫌小景物看不足卽事偶成詩遣興慵重錄

人日寄懷白石用高達夫寄杜拾遺韻

題詩人日寄黃堂遙憐故人羈異鄉唐花滿室豔七九  
詩人不見獨斷腸騷壇重整君難預宦遊嶺外叢憂慮  
去年人日猶同吟今年人日行何處臥病京華冬復春  
待看詩骨委黃塵向平虛願終難遂羨爾東西南北人

得白石詩卻寄

自與君別後一病至今茲忽覩故人書悲喜兩不知使  
我去冬死安見君新詩莫言生別苦終竟勝死離況有

十年約重逢匪無時縱我不能待暫且存虛期敢望我  
遲死但願君早歸荒陬饒瘴癘調護甚所宜

苦旱與吳彥復

保初

壽富聯句

去秋豫河決今夏復苦旱

偶

天意竟如何災黎誰悲憫

彥郊原試眺望塵高禾黍短

富

日灼山翠枯泥垢溪流

斷

偶

煥鬱百草萎憔悴衆芳殞

彥

豈無爲霖雲熱風吹

易返

富

縱能雨天下時過嗟已晚

偶

朱明忽欲辭天道

逝將隱

彥

安得御龍策滄溟鞭玩蠢

富

我皇祈禱虔

屯膏天詎忍

偶

古人亦有言物極必將反

彥

會看三日

霖萬綠起偃蹇

富

湖上偶成

憶昔咸豐歲庚申長夏僑居西湖畔追隨杖履日承歡  
沿湖名勝遨遊遍三山金碧互輝煌林木青葱隱樓觀  
忽驚海風捲地來劫火燎原騰灰燼烏兔梭織劇匆忙  
二十八年轉一瞬今年扶病復來遊俄訝荒涼改輪奐  
又聞畫舫易戈船倣古昆池重習戰興來曳屐連日行  
歷盡東堤更西岸橋度青龍閣玉泉船隔增脩勢巍煥  
學堂共說習水師棟宇崔嵬詫新建是時正值庚伏初

暘雨無恒炎威煽暑氣薰山嵐翠膠石骨蒸雲溽欲汗  
屏翳怯熱難安櫺窾出晴空挾雷電羲和促馭倏避藏  
頃刻湖山色全變斜風忽起雲中開夕照衝雲落天半  
風催雨脚走湖東一角斷虹隔雨見興闌荷蓋緩步歸  
皓月徐升煙靄散新景歷覽方歡娛舊事迴頭轉悲憤  
無聊強作曠達思人事天時理一貫試看陰晴日數更  
可悟盛衰隨時換念彼河決尙未塞羣黎流亡久罹難  
閒身幸值太平時飽食湖山恣賞玩天工豈容人強拘  
仰瞻蒼蒼徒浩歎雨晴月朗且吟詩安能天盡如人願

靈光寺分韻

戊子

高亭縱眺渺無邊，翹首東南意黯然。  
樹隱遠城平貼地，雲圍大堊曲隨天。  
銜哀覓句嗟今日，忍淚看花憶往年。  
如此殘生知有幾，莫將佳景負當前。

丁亥仲春季子  
殤後曾遊此

正月十日雪晴步崖來同聯句用東坡聚星堂雪

詩韻

己丑

殘陽滿樹枯無葉，牆角猶餘昨宵雪。  
偶春光醞釀東風

寒窓前高臥，音塵絕。  
詠孤吟正苦無人酬，有客來毋需

東折。  
偶尋詩欵步到師門，雪光滿地人踪滅。  
詠相見展

牋遠聯詩聚星步韻何勞掣偶沿階春草萌新芽碧色

模糊亂紋纈詠餘暉欲盡微風來空中點點明如屑偶

填溝力難補殘冰亦隨春水去如瞥詠忽念潁州水未

消春冰欲解愁難說不見城隅逃難民聚立雪中面如

鐵偶

### 輓鄭小淳

罷官我閒居君亦歸桑梓榮辱雖各殊閒身兩相似窮途多疾病苟活無久理豈意君遊行廢材留我在亦知行先後相別日無幾但愁見仍難離魂隔千里各了一

生耳早晚皆爾爾平生志未酬所幸各有子無用枉爲  
人衰頹良足恥偏處無他族杞憂差可弭有酒難奠君  
作詩當錢紙珍重緩行步前途暫相待

和洪右臣菊花十二詠

買菊

佳種留韓圃秋風瘦淡容誰憐舊聲價貴賤聽花農

栽菊

風霜苦憔悴忍凍守籬根祇恐花開晚難酬培植恩

灌菊



寒香流晚節傲骨寄枯枝  
歷慣風霜苦甘泉味不知

菊

喜苦  
水

### 賞菊

泛酒人何在孤芳留世間  
華堂競開宴歷亂疊成山

### 詠菊

元亮不再作伊誰步後塵  
西風簾乍捲愁煞詠花人

### 畫菊

色正何妨澹枝疎別有姿  
畫師誇紫豔依舊買胭脂

### 折菊

生就傲霜質堅貞異眾芳可憐攀折早晚節不能香

簪菊

一枝插鬢邊蕭疎饒逸態果能做風霜何妨近粉黛

餐菊

滋味混魚蒜伊誰判濁清拚教零落早不敢望和羹

問菊

海外新種多爭奇日繁盛大息問凡華顏色可能勝

憶菊

舊圃空栽種狂風損嫩葩開花知不易敢望再生芽

品菊

附熱羣芳歇，淩霜色獨鮮。莫矜梅放早，畢竟讓君先。

和洪右臣感懷元韻

庚寅

漫漫畿輔水橫流，積雨成災萬姓愁。方幸烽煙銷海國，  
忽驚昏墊逼皇州。煙昏鬼哭波心墓，風急波沈屋上舟。  
我欲排雲告闔闔，天高不許杞人憂。

去年五十自壽作四言詩未成而罷，因思此題不可無詩，作廿字塞責。

餘年猶有幾往事，已難追半百。忽已屆聊成自壽詩。

哭胡姬靜嫻

老近死生輕順愛覺尋常死亡我將及何哀人死亡死  
雖無足哀其生轉可傷既死念生事事事皆難忘哀卿  
生小家弱質彌端莊低頭甘賤辱衣食供耶娘憂愁釀  
疾病憔悴凋容光癯肌撐瘦骨怯著羅衣裳自從入門  
來相期寵專房依然抱愁病辛苦嗟備嘗我前遠使閩  
半載病伏牀離愁結幽恨鬱鬱心如狂迨我輶車歸浙  
水攜紅妝憐我新罷官嚔泣涕浪浪憐我老已近眾斧  
伐枯楊毀容常托病十夕五不當窮愁增痼疾漸覺近

膏肓巾櫛勉支持朝夕甘糟糠今年我病甚日夜侍我  
旁自矢願從死泉下同夜長豈知我未死卿先罹其殃  
遲早死原同埋沒名不彰生死皆命薄有志嗟難償我  
妾雖不一惟卿性最良云胡奪卿速我兆知不祥地下  
先相待離別知不長翻愁我弗死疾病誰相將

以下闕

望北山有懷

雪滿居庸關雲沉難見山朔風吹不度征雁幾時還有  
志何憂老無才幸得閒京華尙頭白知更損朱顏

廣化寺南山靜室題壁

年年看花來櫻桃遍巖壑今年春色遲櫻桃獨先落豈  
無桃與棠紅白紛交錯要非心所期對花慘不樂詎因  
色太嬌祇爲質劇弱羣芳爭俗豔花好命自薄余亦老  
且病牢愁嗟束縛悼花兼自悼寫憂詩率作

又

海棠萬樹連山密綠葉白花光皎潔登高下視不見山  
一片青松襟殘雪桃紅杏絳空爭妍俗豔自爾殊仙凡  
定惠一株少爲貴當年猶動髻蘇憐

遊山偶作

強鼓尋春興登山不憚賒壯心驚落日病眼戀殘花世  
事本如夢吾生亦有涯遨遊隨處好莫負此韶華

題朱二行狀寄竹石

年來屢覩傷心事那更傷心讀此文已識微生同草露  
何論富貴等浮雲病軀雖在神先死人哭空哀鬼不聞  
殘夢悠悠知幾日自悲無暇況悲君

夜作

老近病迭起夜長愁遞生薄衾眠不穩高枕氣難平水  
旱頻垂警乾坤幸弭兵窮塗聊苟活存沒一身輕

又與文鏡寰聯句

念二日

君老我病猶不死嗚呼芷亭難見矣

竹

良朋已死生何

爲相對孤燈淚難止

柳

芷亭不見忽二年醉中狂態如

目前

竹

那能飛過三千水同向蓬萊頂上學神仙

柳縱

使成仙亦永訣天上人閒悲死別索居福地良寂寥何

若窮塗同苟活

竹

苟活雖受世閒窮百年憂樂能相同

誰解無憂有樂事山之明月江之風

柳

江風山月常無

改歎息人生孰常在僥倖遲死能幾年哭人轉眴人哭

已

竹

我輩哭君君不知挑燈窓下同聯詩四鄰人定三



更時庭槐月上烏夜啼

竹

殘菊早梅七律

并序

中秋後偶過花肆見菊欲買之苦無錢浼王漱芳  
道士向所習花農代賒道士憫之贈數盆文仲恭  
來嫌其少贈錢復買數盆後家兄復給數十種襍  
置偶齋牀上下皆滿京師今冬石炭值驟高齋中  
不得生火客來胥肩聳項縮弗能久坐而頗宜於  
花一陽已生癯黃痿綠秋光尙盈室焉憐其孤寂  
爲市梅作伴見肆中白菊猶盛遂同載以歸越日

大風寒晨起白菊盡痿而家菊與梅開如故爲惋  
惜久之乃歎曰今始知花不可不久於寒而人不  
可不久於貧也夫菊之受氣於天地豈有異哉而  
榮枯相判何若是耶蓋家菊久於寒其寒也漸與  
寒習故不知其苦肆菊久於暖其寒也頓故一寒  
而莫支亦猶冷官寒士夙甘困苦雖久歷艱險而  
心終不搖而富貴人一經折挫卽改節也然梅花  
亦久於暖何獨不同夫菊草也梅木也所得於天  
固不同也此亦猶文文山生長富貴早掇巍科而

大節臨身歷百折終不回耳然花之梅豈多有哉  
爲賦寒菊早梅詩

三徑西風滿地霜羣英落盡賸孤芳窮儒氣骨貧逾傲  
壽客精神老更長欲與蒼松爭晚節羞同丹桂鬪秋光  
一寒至此誰禁受獨立籬邊亦可傷

冰霜繞樹衆芳萎漏洩春光柳未知迎歲無心開適早  
和羹有用放難遲星橫旅舍驚新夢雪滿前村見一枝  
豈藉園丁薰灼力年來雨露受多時

輓左文襄公

海風捲地大星沈  
鬼哭孤城夜霧深  
死未還鄉知不恨  
本無生入玉關心

五兄借永子健海淀別業避暑欲從同往因病未  
果偶成二律

弟兄漸老漸相親  
莫笑東坡愛穎濱  
難共克家稱肖子  
喜同 聖世作閒人  
湖山孤負都因病  
詩酒懽娛不害  
貧可惜新秋好時節  
窮居憔悴苦吟身

名園借得暫棲遲  
清境宜人只自知  
東國路遙空有夢  
西湖景好且吟詩  
花能悅目應思酒  
山可開心不待醫

莫怨良遊未能共相期  
霜葉乍紅時

小樂府

治河復治河新工猶未興  
舊隄已決將如何隄決難遽  
合流亡遍城邑施賑更比治河急  
春決未已復冬決堅冰滿地兼積雪  
縱不溺陷命亦絕築縷隄開引河紛紛  
議者美且多春冰欲解將如何

春夜偶書

窮途常牢愁未老身早弱  
愁多染心神安居鬱不樂  
無病亦委頓有夢皆成惡  
靜室高枕眠如事相促  
迫東風

撼庭樹遠城送鳴角披衣起開門月上參欲落

留別芷亭

快雨敲窓酒再巡別離期近意彌親  
長途他日逢秋雨  
兩地挑燈憶故人

山中見杏花

今年春歸早行矣留不住相追入深山  
餘春猶未去南風穿澗來殘花紅滿樹  
綠陰迫難待新葉已潛露生機  
無暫停觀物理可悟乃知後凋者多在幽隱處

涼宵

涼宵莫更酒盃空卽景聯吟豈必工  
腐草有根蘇伏雨  
病螢無力墜秋風浮生易過窮  
通異往事難追老少同等是人閒  
成棄物相逢詩思且爭雄

送窮日鏡寰來訪聯句

相思不憚遙相訪醉後惟有詩相贈  
文欲答佳句吟不成聊希韓孟同酬唱  
竹至交不在常招尋偶一聚首

更歡暢

文

莫辜相見須吟詩君既衰老我非壯

竹

百年

誰能無死期未死之前須放浪

文

我今百年已及半早

衰病多壽敢望

竹

酒不能止詩吟成欲向騷壇稱健將

文

詠唐花海棠

違時附熱侍花王特與寒梅鬪豔妝却笑枉經薰灼苦  
縱然早放也無香

送沈稼村南歸

老病無能爲用世望朋友科第誤奇才遭逢獨不偶君  
本非文人才難計石斗應變別有心談兵豈在口掄指  
詞林中儕輩能幾有區區此一第嗟哉竟難取富貴何  
足云浮雲變衣狗良材不時來過時慮枯朽生材彼蒼



難秀毓本非苟升沈自有命窮通當順受笑我少僥倖  
登第甫廿九強仕卽休官匆遽亦可醜人生重晚節居  
上來每後松高長恒難菊遲花倍久喜君老益壯文場  
罕敵手豈知我早衰五十已白首命窮累文章遇遲增  
抱負明春轉朐來蒿萊休自守

答陳張菴寄懷

屏居七歲困緇塵歸隱無山笑俗人窮老偷安仍苦病  
溺饑坐視且憂貧傷心今古知誰是放眼乾坤笑此身  
莫漫微詞勸止酒已將嚼臘誓橫陳

何陋言言三石步 卷八 三  
儻居無計遠紅塵結屋名山羨古人近老方知讀書晚  
久窮豈爲罷官貧有天莫問難知事無地堪栖未死身  
多少牢愁無處訴匆匆未忍向君陳

又

我昔會上芳巔峯螺洲咫尺明眼中故人迢迢隔江右  
人遐室邇牽離棕歸來罷官卧經歲聞君籌海臨吳淞  
方期犒師虞破亮豈意薦士衡累融解甲讀禮返梓里  
五年隔絕無南鴻朶雲忽到萬里外頓教狂喜填此胸  
告我鼓山見題句寄懷索和郵詩筒憶昔玉堂共聯步

西山時共遨遊同當時儔侶正歡聚升沈轉眄生西東  
荷戈建節各榮辱屏居竊幸客疎慵閑門京華謝賓客  
早衰未老先成翁喜君留菴得佳處買山我愧慳囊空  
危崖喝水景在目高樓清聽登難同我思鼓山臨大海  
洪濤日吼飛天風古海遠異今海近四溟咫尺戈船通  
馬江焦骨腐如炭螺舟依舊飛高篷潮音激蕩襍夷樂  
一聽三日雙耳聾縱有清流枕可洗安得琇瑩如耳充  
閒身多病暫苟活殘生忍飢甘困窮縱教相聚散亦速  
死前何必重相逢但願承平海波靜異地各隱甘長終

山池同汝明壽富慧一上人納涼悼宜少畊宗子

右

咸豐庚申六月同少畊光緒  
年七月同子  
右消夏於此

溽暑多雨旋陰晴雲峯滿天斜復橫雨過新月隱雲際  
晚涼池上同遊行花紅葉綠暗莫辨水香撲鼻如花清  
峭壁壓水背月立木石一色迷蒼青雲流吐出水底月  
塔影對射山陰明新景快覩悵舊事侶儔分散存老僧  
少長齒殊等歸盡山水如昔人已更老病苟活勉尋樂  
少年腆與偕遊行他年思我亦如此今宵此會毋視輕  
須臾雲合月復入山水花木齊窈冥悲吟掉首不忍去

詩魂彷彿來潛聽